

4.—Os suxeitos pasivos, formularán as declaracións de alta e baixa nos padróns da Taxa, surtindo efectos tributarios no mesmo momento de presentarse a declaración, podendo prorratearse, no seu caso, por meses.

*ARTIGO 9º. INFRACCIÓNS E SANCIÓNNS.*

Nesta materia estarase ó disposto na Lei Xeral Tributaria e normativa de desenvolvemento.

*DISPOSICIÓN FINAL.*

A modificación da presente Ordenanza Fiscal, unha vez publicada integramente no Boletín Oficial da Provincia, entrará en vigor o 1 de xaneiro de 2013, permanecendo en vigor ata a súa modificación ou derogación expresa.

**ORDENANZA FISCAL REGULADORA DA TAXA POR RECOLLIDA DE RESIDUOS SÓLIDOS URBANOS.**

*ARTIGO 1º.—FUNDAMENTO E NATUREZA.*

O Pleno do Concello, no uso das facultades concedidas polos artigos 133.2 e 142 da Constitución, polo artigo 106 da Lei 7/85, do 2 de abril, reguladora das bases do Réxime Local, e polos artigos 15 a 19 e 57 do Real Decreto Lexislativo 2/2004 de 5 de marzo, polo que se aproba o texto refundido da Lei Reguladora das Facendas Locais (en adiante TRLRFL), acorda a imposición e ordenación da Taxa pola recollida de residuos sólidos urbanos.

*ARTIGO 2º.—FEITO IMPOÑIBLE.*

1º.—Constitúe o feito imponible desta taxa, a prestación do servizo de recollida do lixo domiciliario e residuos sólidos urbanos de vivendas, aloxamentos e locais ou de establecementos onde se exerzan actividades industriais, comerciais, profesionais, artísticas e de servizos, e inmobles desocupados.

2º.—A tal efecto, constituirán residuos sólidos urbanos, os refugallos e detritos producidos como consecuencia das seguintes actividades e situacións :os residuos de orixe doméstica (restos e desperdicios de alimentación ou detritos, e os procedentes da limpeza normal en vivendas); os residuos xerados en comercios, oficinas e servizos; os residuos procedentes da limpeza ordinaria de vías públicas; os procedentes de lonxas, mercados, feiras, festexos, ou/e semellantes; os mobles, utensilios e electrodomésticos desbotados; en xeral, todos aqueles residuos dos que a súa recollida, transporte, almacenamento, tratamento ou depósito lle corresponda ó Concello, de acordo co establecido na vixente lexislación.

Exclúense do concepto de residuos: os que sexan radioactivos, corrosivos, contaminantes, nocivos ou perigosos; os procedentes de actividades industriais, como restos e sobrantes da propia actividade; os escombros de obras; os resultantes de prospección, extracción, tratamento e almacenamento de recursos minerais ou de explotación de canteiras; as materias fecais e outras sustancias naturais non perigosas das explotacións agrícolas e gandeiras; os residuos xerados pola actividade especificamente sanitaria en clínicas, ambulatorios, etc.; os efluentes líquidos ou gaseosos. En xeral, todos aqueles para os que sexa necesario a adopción de especiais medidas hixiénicas, profilácticas ou de seguridade.

3º.—Non estarán suxeitos á taxa os inmobles declarados ruinosos ou que teñan a condición de solar ou terreo.

*ARTIGO 3º.—SUXEITOS PASIVOS.*

1. Serán suxeitos pasivos contribuíntes as persoas físicas ou xurídicas e as entidades sen personalidade xurídica ás que se refire o artigo 35.4 da Lei 58/2003, do 17 de decembro, Xeral Tributaria (en adiante LXT), que ocupen ou utilicen as vivendas, aloxamentos e locais ou establecementos situados nos lugares, prazas, rúas ou vías públicas nos que se preste o servizo, calquera que sexa o título polo que o fagan. Asemade, terán a consideración de suxeitos pasivos contribuíntes os propietarios de vivendas, locais ou establecementos desocupados.

2. Terán a consideración de suxeitos pasivos substitutos do contribuínte, os propietarios de inmobles que poderán repercutir, no seu caso, as cotas satisfeitas sobre os usuarios daqueles beneficiarios do servizo.

De conformidade co artigo 36.3 da LXT, en concordancia co artigo 23.2 do TRLRFL será o substituto o suxeito pasivo que, por imposición da lei e en lugar do contribuínte, este obrigado a cumprir a obriga tributaria.

#### ARTIGO 4º.—RESPONSABLES.

Serán responsables solidarios e subsidiarios das obrigas tributarias dos suxeitos pasivos as persoas físicas e xurídicas ás que se refiren os artigos 42 e 43 da Lei Xeral Tributaria.

#### ARTIGO 5º.—BENEFICIOS FISCAIS.

Só se admitirán nesta taxa as exencións e bonificacións que veñan establecidas en tratados ou acordos internacionais, ou en normas con rango de Lei, así como nos seguintes casos e mentres se manteñan ditas circunstancias:

- A) En virtude do permitido polo artigo 24.4) do TRLRFL, e tendo en conta a situación económica dos suxeitos á taxa que se establece, poderase conceder, por acordo expreso da Xunta de Goberno Local, unha redución do 50% ós xubilados ou pensionistas cunha renda familiar inferior ó salario mínimo interprofesional.

Para obter dito beneficio deberase solicitar ante a Alcaldía, con xustificación documental das circunstancias persoais do solicitante, que xustifiquen a concesión de dito beneficio.

- B) Naquelas zonas onde non se realice a recollida diaria, e só para vivendas, aplicarase a taxa de “rural”, e non se impondrá a taxa a aquelas vivendas ou locais que se atopen a máis de 200 mts. de distancia do contedor máis próximo.

#### ARTIGO 6º.—COTA TRIBUTARIA.

A contía da taxa será a resultante da aplicación das tarifas contidas neste artigo.

En casos especiais, poderanse formalizar convenios de recollida de lixo, cos interesados que así o soliciten, fixándose nos mesmos o importe da taxa que se vaia a aboar pola prestación do servizo.

#### TARIFAS

CONCEPTO	IMPORTE €/CUADRIMESTRE
Grupo I.—Vivendas	Urbana: 30,91 € Rural: 21,57 €
Grupo II.—Comercios menores (ata 3 empregados), oficinas en xeral, axencias de viaxes, xestorías, consultas (médicos, avogados, etc.), academias, perruquerías, quioscos, postos de xelados, administracións de loterías, expendedorías de quinielas, e semellantes, gimnasios, autoescolas, galpóns.	73,82 €
Grupo III.—Bares e tabernas, hospedaxes e casas rurais (ata 10 habitacións), panaderías, pastelerías, carnicerías, pescaderías, comercios de froitas, tintorerías-lavanderías, comercios de prantas, abonos, floristerías, etc., tendas de animais, laboratorios, ultramarinos, autoservicios, droguerías, talleres (motocicletas, bicicletas), comercios en xeral de máis de 3 empregados.	147,66 €
Grupo IV.—Cafeterías, centros médicos, clínicas, farmacias, Restaurantes (ata 100 m <sup>2</sup> ), churrasquerías, hamburgueserías, bocaterías (ata 100 m <sup>2</sup> de superficie), Entidades bancarias, cines, teatros, imprentas e serigrafías (ata 250 m <sup>2</sup> de superficie), hoteis, hospedaxes e casas rurais (de 11 a 20 habitacións), adegas (ata 50.000 litros de produción), empresas funerarias (excepto tanatorios), Prefabricados de formigón. Comercios de venda de barcos ou vehículos. Salóns recreativos. Talleres de electricidade, fontanería, carpintería, maquinaria agrícola, soldadura, escaiolas.... (ata 500 m <sup>2</sup> ). Talleres de motos. Almacéns de piensos, conservas, frutas, plantas, textiles, .... (ata 200 m <sup>2</sup> ).	196,89 €
Grupo V.—Adegas (de 50.001 a 100.000 litros de produción), cafeterías categoría especial, pubs (de ata 100 m <sup>2</sup> ) restaurantes (de mais de 100 m <sup>2</sup> ). Hoteis, hospedaxes (de 21 a 30 habitacións). Estacións de servizo. Ferreterías, moblerías e tendas de electrodomésticos (ata 250 m <sup>2</sup> ). Aserradeiros de pedra ou madeira. Talleres de reparación de vehículos ou barcos e de lavado e engrase. Almacéns de piensos, conservas.....e desocupados (de mais de 200 m <sup>2</sup> ). Talleres de electricidade, fontanería, carpintería, maquinaria agrícola, soldadura, escaiolas.... (de mais de 500 m <sup>2</sup> ). Empresas de reciclaxe.	295,28 €

Grupo VI.—Supermercados e bazares (ata 500 m <sup>2</sup> ). Clubs nocturnos, adegas (de 100.001 a 250.000 litros de produción), Hoteis (de 31 a 50 habitacións). Entidades bancarias, cines, teatros, imprentas e serigrafías (de máis de 250 m <sup>2</sup> ). Cafeterías e bares-pubs de categoría especial (de máis de 100 m <sup>2</sup> ), tanatorios e salas velatorias. Ferreterías, moblerías e tendas de electrodomésticos (de 250 ata 500 m <sup>2</sup> ). Restaurantes con salóns para bodas e banquetes (ata 300 m <sup>2</sup> ). Cetáreas. Empresas de transportes (autobuses, camións, maquinaria pesada....).	393,72 €
Grupo VII.—Discotecas e Salas de Festas. Supermercados, bazares, moblerías e tendas de electrodomésticos (de máis de 500 m <sup>2</sup> ). Hoteis de máis de 50 habitacións. Camping, adegas (máis de 250.000 litros de produción). Discotecas, salas de festas. Restaurantes con salóns para bodas e banquetes (de máis de 300 m <sup>2</sup> ). Matadoiros. Fábricas de conservas, envasados, cocedeiros e depuradoras de mariscos e industrias cárnicas. Piscifactorías. Asteleiros e outras empresas de fabricación.	590,63 €
Comercios, almacéns e demais inmobles desocupados	29,49 €
Grupo VIII.—Especial: Mercado e Praza de Abastos.	
Postos de venda ambulante	1,00 €/día
Postos fixos de venda no interior da Praza de Abastos	4,75 €/mes
Postos eventuais na Praza de Abastos ou Mercado	1,00 €/día
Grupo IX.—Garaxes comunitarios (por praza)	10,58 €/cuadrimestre

#### ARTIGO 7º.—DEVENGO.

Devéngase a taxa e nace a obriga de contribuír, dende o intre en que se inicie a prestación do servizo de recollida, téñase ou non solicitada dita prestación, entendéndose escomenzado, dada a natureza de recepción obrigatoria do mesmo, cando estea establecido e en funcionamento nas rúas ou lugares nas que se atopen as vivendas ou locais, propiedade dos suxeitos pasivos, sendo esixibles, en virtude do permitido polo apartado 4) do artigo 31, da Lei 10/97, de R.S.U.G., a partir do primeiro día da prestación efectiva de dito servizo, sexa ou non solicitado polos contribuíntes.

Prevéndose a cobranza da taxa por períodos cuadrimestrais (agás o grupo VIII), o devengo desta será tamén por cuadrimestres naturais, independentemente do mes do cuadrimestre no que se produza a alta.

Para o caso de baixa, os efectos produciranse a contar do cuadrimestre seguinte a aquel no que esta se produza, e sempre previa petición da parte interesada.

#### ARTIGO 8º.—DECLARACIÓN E LIQUIDACIÓN.

1º.—Para o caso de solicitarse a prestación do servizo, a taxa esixirase en réxime de autoliquidación no intre de presentación de dita solicitude, causando alta o contribuínte no padrón do cuadrimestre seguinte.

Toda alta, baixa ou modificación no servizo, será obxecto de declaración polo interesado. A solicitude de alta deberá acompañarse:

- a) Identificación do contribuínte (aportando copia DNI).
- b) Identificación do substituto do contribuínte, se non fora o mesmo (aportando copia DNI).
- c) Copia do título de propiedade do inmovible e, no seu caso, copia do título polo que se faga a ocupación (contrato de arrendamento ou do título polo que se constituía o dereito).

2.—Si se prestase o servizo sen mediar solicitude, darase de alta de oficio no padrón, practicándose e notificándose ó interesado a oportuna liquidación, vindo este obrigado a efectuarlo seu ingreso ou incorrendo, en caso contrario, no correspondente procedemento de prema.

3.—Si se solicita a modificación por cambio no suxeito pasivo ou no uso, deberá aportarse os documentos que xustifiquen tal modificación, a fin de que no expediente obren os datos que se sinalan no apartado anterior.

4.—Si se solicita a baixa deberá acompañarse documentación acreditativa de que o inmovible foi declarado ruinoso ou que adquiriu a condición de solar ou terreo, ou o título de transmisión do inmovible, salvo que, neste último caso, se solicite a modificación no suxeito pasivo. Fora dos supostos sinalados, non se admitirá baixa algunha.

5.—Os suxeitos pasivos, e no seu caso, o substituto do contribuínte, estará obrigado a comunicar as variacións de orde físico, xurídico ou económico que se produzan nos inmobles ou actividades gravadas pola taxa. Dita declaración deberá efectuarse antes de que finalice o cuadrimestre natural de facturación.



6.—En canto ó ingreso da taxa do padrón que se confeccionará con periodicidade cuadrimestral quedará suxeito á tramitación ordinaria, para o seu ingreso, ó igual que as demais taxas establecidas por este Concello, tramitación que se levará a cabo polo ORAL, organismo ó que se lle ten encargada a cobranza dos tributos municipais.

#### *ARTIGO 9º.—INFRACCIÓN E SANCIÓN.*

1º.—En todo o relativo á cualificación de infraccións tributarias, así como das sancións que ás mesmas correspondan en cada caso, estarase ó disposto na Lei Xeral Tributaria.

2º.—No relativo ás responsabilidades, infraccións, e sancións de carácter non tributario, estarase asemade ó disposto polos artigos 36 e seguintes da Lei 10/97, de 22 de agosto, de Residuos Sólidos Urbanos de Galicia.

#### *DISPOSICIÓN ADICIONAIS*

Primeira.—Os produtores ou posuidores de residuos sólidos urbanos deberán entregar, ou depositalos debidamente embolsados, dentro dos contedores. En todo caso, o posuidor de residuos estará obrigado a mantelos, mentres se atopen no seu poder, en condicións axeitadas de salubridade e seguridade.

En zona urbana, a recollida comezará: durante os meses de xuño a setembro, inclusive, ás 21:00 horas. O resto do ano, ás 20:00 horas. Na súa consecuencia, os posuidores de residuos sólidos deberán depositalos nos contedores antes do comezo da recollida.

Segunda.—Toda persoa que produza ou posúa residuos sólidos susceptibles de xeraren efectos nocivos sobre o solo, a flora ou a fauna, de degradaren o contorno ou a paisaxe, de contaminaren o aire ou as augas, de xeraren malos olores, e, en xeral, de atentaren contra a saúde humana ou o medio ambiente, está obrigada a realizar ou poñer as condicións para que se realice a súa eliminación conforme ó preceptuado na Lei 10/97, de R.S.U.G.

Terceira.—Os produtores ou posuidores de residuos sólidos que polas súas especiais características poidan producir trastornos nas operacións de recollida, transporte, almacenamento, valorización, tratamento ou depósito controlado, estarán obrigados a proporcionar ó Concello información completa sobre a súa orixe, cantidade e características.

Para o caso de que o produtor ou posuidor de residuos llos entregue a persoa física ou xurídica que non posúa a condición de xestor, deberá responder solidariamente con ela de calquera prexuízo que poida producirse, así como das sancións que lle puidesen ser impostas.

#### *DISPOSICIÓN FINAL.*

A modificación da presente Ordenanza Fiscal, unha vez publicada integramente no Boletín Oficial da Provincia, entrará en vigor o 1 de xaneiro de 2013, permanecendo en vigor ata a súa modificación ou derogación expresa.

### **ORDENANZA REGULADORA DA TAXA POR UTILIZACIÓN DOS SERVICIOS DEPORTIVOS MUNICIPAIS.**

#### *ARTIGO 1º.—NATUREZA E FUNDAMENTO.*

O Pleno do Concello, no uso das facultades concedidas polos artigos 133.2 e 142 da Constitución, polo artigo 106 da Lei 7/85, do 2 de abril, reguladora das bases do Réxime Local, e polos artigos 15 a 19 e 57 do Real Decreto Lexislativo 2/2004 de 5 de marzo, polo que se aproba o texto refundido da Lei Reguladora das Facendas Locais, acorda a imposición e ordenación da Taxa por utilización dos servizos deportivos municipais de Cambados.

#### *ARTIGO 2º.—FEITO IMPOÑIBLE.*

Constitúen o feito impoñible da taxa a prestación dos servizos de piscinas, instalacións deportivas e outros servizos análogos, especificados na tarifa desta taxa.